



Title	漢文
Author(s)	岡山, 源六
Citation	懷徳. 1935, 13, p. 45-46
Version Type	VoR
URL	<a href="https://hdl.handle.net/11094/88930">https://hdl.handle.net/11094/88930</a>
rights	
Note	

*The University of Osaka Institutional Knowledge Archive : OUKA*

<https://ir.library.osaka-u.ac.jp/>

The University of Osaka

# 故大阪市長池上銅像記代

岡 山 源 六

會津池上四郎君居警職四十年。能名習聞於世。大正二年。以大阪警察部長告罷。當是時。歐土大擾。我國因亦興軍。而大阪商工稱盛之會。相迫爲涉乃繁。於是。市會冀老成人爲治。推君爲市長。君賢勞不佚。部屬勵翼相得。功用可興也。稅政之弊。厚歛疾費以爲鉅。均徵節流乃必。既累三遷。任迨十年。經入增可六倍。所出幾乎五倍。民之資產視往加裕焉。海埠以財絀。修築殆廢嘗久矣。而及君工張。代爲完之捷。世美其功大。電燈蹶於收買。不能以展其籌亦嘗久矣。而及君事集。由是財儲益阜。而民則樂道燈賤國中無能如。都制既建。體矣經矣。廳宇既營。輪焉奐焉。君任中穀價嘗荐翔貴。下戶以擾。君因慮民生事愈深。治疾防瘟存賙。以暨媒生業。定平估。宿息勞工。開導貧困子弟。凡計在振救者。於是群設朋興。規制甚備。實通國所取範焉。今者市仕紳議立君銅像於天王寺公園。用爲士民慕懷之表。職司儀刑之識。意者君於市之治。無所欲爲而不得。實以其持正之固。立德之厚。外內有助之多。然則人之徜徉

過此。覩其猶在者。不僅起敬也。將必有得於深造以道焉。君距今六年。年七十四。終於官。官朝鮮總督府政務總監。有嘉績。以土異不具著。

### 繼宮殿下甲戌誕辰恭賦八韻

豹軒 鈴 木 虎 雄

大統淵源遠。瓜縣自肇基。鴻慶流紫闥。祥夢發鸞帷。蓬矢前冬禮。絹衣今旦姿。孝仁含至性。文武表光儀。烜赫重明日。渾涵成化時。子來非假想。王會有佳期。九服歡殷地。萬方欽仰曦。揚休臣職是。望闕志如葵。

### 送新村出博士應 召入朝進講

春風朝鳳闕。講殿五雲鮮。萬古言靈在。發揮 神聖前。

### 贈宇野哲人博士進講

頭白窮儒術。講經春上筵。知君明德治。敷奏 聖人前。

### 送神田邕盒游學歐州